

დამტკიცებულია ფაკულტეტის საბჭოს მიერ  
2016 წლის 09 დეკემბერს  
ოქმი#2

საინჟინრო ეკონომიკის, მედიატექნოლოგიებისა და სოციალურ მეცნიერებათა  
ფაკულტეტის  
შიდასაფაკულტეტო პროექტების საკონკურსო წესით შეფასებისა და  
დამტკიცების

დ ე ბ უ ლ ე ბ ა

თბილისი 2016

## 1. მიზნები

1.1 ეს დებულება აწესრიგებს (განსაზღვრავს) საქართველოს ტექნიკური უნივერსიტეტის საინჟინრო ეკონომიკის, მედიატექნოლოგიებისა და სოციალურ მეცნიერებათა ფაკულტეტის (შემდგომში „ფაკულტეტი“) შიდასაფაკულტეტო სამეცნიერო-კვლევითი პროექტების (შემდგომში „პროექტი“) წარდგენის, განხილვის, დამტკიცების, შესრულების და მონიტორინგის საერთო წესს.

1.2 ფაკულტეტის მიზანია, ღიად გამოცხადებული კონკურსის გზით, შეფასების საფუძველზე, გამოავლინოს და დააფინანსოს პროექტები, რომელიც ხელს შეუწყობენ ფაკულტეტის სამეცნიერო პოტენციალის წარმოჩენას, პროფესიული კვალიფიკაციის ამაღლებას, სამეცნიერო კონტაქტების დამყარებას ქართველ და უცხოელ მკვლევარებთან.

1.3 ღიად გამოცხადებული კონკურსის პირობები და პროცედურები მაქსიმალურად გამჭვირვალე და ობიექტურია, რაც უზრუნველყოფს მეცნიერებისა და მკვლევარებისათვის დაფინანსების ხელმისაწვდომობას

## 2. ზოგადი პირობები

### 2.1. პროექტში მონაწილეობა შეუძლია:

- ფაკულტეტის სრულ, ასოცირებულ, ასისტენტ პროფესორს და მოწვეულ აკადემიურ პერსონალს; ფაკულტეტის დოქტორანტს, მაგისტრანტს;
- მკვლევართა ჯგუფს, რომელსაც ხელმძღვანელობს ფაკულტეტის სრული, ასოცირებული ან ასისტენტ-პროფესორი ან დოქტორანტი. ამ ჯგუფში შესაძლებელია მონაწილეობდნენ ფაკულტეტი-ს მაგისტრანტები და ბაკალავრიატის სტუდენტები, აგრეთვე, სათანადო დასაბუთების შემთხვევაში - მოწვეული სპეციალისტები (მათი საერთო რაოდენობა არ უნდა აღარააფარდებდეს ჯგუფის წევრთა საერთო რაოდენობის მეოთხედს).
- მკვლევართა ჯგუფს, რომელშიც შედის საქართველოსა და უცხოეთის სხვა სასწავლო და სამეცნიერო-კვლევითი დაწესებულებების წარმომადგენლები, ერთობლივი კვლევითი პროექტების განხორციელების შესახებ (ასეთ ჯგუფში

უცხოელ მკვლევართა საერთო რაოდენობა არ უნდა აჭარბებდეს ჯგუფის წევრთა საერთო რაოდენობის ნახევარს).

## **2.2 სამეცნიერო-პრაქტიკული კვლევების ზოგადი მიმართულებები:**

გარკვეული პერიოდულობის დაცვით, ხდება სამეცნიერო-პრაქტიკული კვლევების ზოგადი მიმართულებების ფორმირება და მის ფარგლებში საუნივერსიტეტო და საფაკულტეტო პრიორიტეტების გამოკვეთა.

## **2.3. დაფინანსების წყაროები და ადმინისტრირება:**

- პროექტები ფინანსდება ფაკულტეტის ბიუჯეტიდან.
- პროექტების სრულ ადმინისტრირებას ახორციელებს ფაკულტეტის სამეცნიერო პროექტების შეფასებისა და დამტკიცების კომისია (შემდგომში - „კომისია“).

## **3. კომისია**

3.1. შიდასაფაკულტეტო კომისია და მისი თავმჯდომარე ინიშნება ფაკულტეტის დეკანის მიერ, შემდეგი შემადგენლობით:

ფაკულტეტის დეკანი,  
დეკანის მოადგილე,  
ხარისხის უზრუნველყოფის სამსახურის ხელმძღვანელი,  
აკადემიური დეპარტამენტის უფროსები,  
ფაკულტეტის მენეჯერი.

3.2. კომისიის უფლებამოსილების ვადა 4 წელია;

3.3. კომისია უზრუნველყოფს:

- კონკურსის გამოცხადებას ფაკულტეტის საბჭოს მიერ დამტკიცებული დებულების მიხედვით;
- კონკურსანტებისათვის კონსულტაციების ჩატარებას;
- წარმოდგენილი პროექტების ექსპერტიზას;
- საექსპერტო შეფასების საფუძველზე დასაფინანსებელი პროექტების გამოვლენასა და ფაკულტეტის საბჭოზე წარდგენას;

3.4. კომისია გადაწყვეტილებებს იღებს ხმათა უბრალო უმრავლესობით და გადაწყვეტილებებს აფორმებს ოქმით. ხმათა თანაბრად გადანაწილების შემთხვევაში დეკანის აქვს უპირატესი ხმის უფლება.

## **4. სამეცნიერო-კვლევითი პროექტის წარმოდგენის ვადები და ეტაპები**

4.1. პროექტის განაცხადების შემოტანის ვადებს ადგენს კომისია. ეს ვადა არ შეიძლება იყოს კონკურსის გამოცხადებიდან 15 დღეზე ნაკლები.

4.2. პროექტების გამოცხადება ხორციელდება შეფასებისა და დამტკიცების კომისიის გადაწყვეტილებით პერიოდულად. შერჩევის ვადა დგინდება კომისიის გადაწყვეტილებით.

შერჩევა ჩატარდება სამ ეტაპად:

- პირველი ეტაპი: განაცხადების ტექნიკური შეფასება, მათი კონკურსის პირობებთან შესაბამისობის დადგენის მიზნით. განაცხადები, რომლებიც არ შეესაბამება/აკმაყოფილებს დადგენილ პირობებს, მოიხსნება განხილვიდან.

- მეორე ეტაპი: კომისია განიხილავს განაცხადებს და შეაფასებს მითითებული კრიტერიუმების მიხედვით.

- მესამე ეტაპი: პროექტის განსახორციელებლად საჭირო კომპეტენციების შესაფასებლად გასაუბრება კონკურსანტთან (ჯგუფთან). გასაუბრების აუცილებელი კომპონენტია კომისიის წინაშე პროექტის პრეზენტაცია.

4.3. სამივე ეტაპის დასრულების შემდეგ კომისია უფლებამოსილია შეარჩიოს გამარჯვებული პროექტები და დასამტკიცებლად წარუდგინოს ფაკულტეტის საბჭოს. რის შემდგომაც ფაკულტეტის საბჭოს სხდომის ოქმის ამონაწერი და დეკანის მოხსენებითი ბარათი შემდგომი მსვლელობისათვის წარედგინება უნივერსიტეტის რექტორს.

## 5. საკონკურსო განაცხადის წარდგენის პირობები და დოკუმენტაცია:

5.1. განაცხადი წარმოდგენილი უნდა იყოს ნაბეჭდი და ელექტრონული ფორმით, ქართულ ენაზე,

5.2. განაცხადის ელექტრონული ვერსიის წარმოდგენა სავალდებულოა მყარ დისკზე (კომპაქტ-დისკი);

5.3. განაცხადის შემოტანისას სავალდებულოა შემდეგი დოკუმენტაციის წარმოდგენა:

ა) განაცხადება (დანართი I);

ბ) განაცხადის შევსებული ფორმა (დანართი II);

გ) პროექტის რეზიუმე ქართულ და ინგლისურ ენებზე (1 გვერდი);

დ) საპროექტო წინადადება (დანართი III), (არაუმეტეს 7 გვერდისა);

ე) პროექტის ბიუჯეტი (დანართი IV);

ვ) პროფესიული ავტობიოგრაფია, თითოეული მონაწილისათვის ცალ-ცალკე (დანართი V);

ზ) აპლიკანტ(ებ)ის პირადობის მოწმობ(ებ)ის სრული ასლი;

ი) თანადაფინანსების შემთხვევაში, მისი დამადასტურებელი ოფიციალური დოკუმენტი (დოკუმენტში უნდა მიეთითოს თანადაფინანსების მოცულობა და ბიუჯეტის ის ნაწილი, რომელსაც თანადაფინანსება ფარავს).

## 6. პროექტების შეფასების კრიტერიუმები

1. პროექტის სახელწოდების შესაბამისობა შინაარსთან;
2. კვლევის აქტუალობის დასაბუთება;
3. კვლევის მიზნობრიობა, დასახული ამოცან(ებ)ის აღწერილობა;
4. კვლევის აუცილებლობის დასაბუთება;
5. კვლევის მოსალოდნელი შედეგები და მისი პრაქტიკაში გამოყენების დასაბუთება;
6. კვლევის მეთოდოლოგია, მიდგომები;
7. კვლევის სამომავლო განვითარების გეგმა
8. პროექტის დაძლევადობა და რეალისტურობა მოცემული დროში, ფინანსური და ადამიანური რესურსების ფარგლებში
9. პროგრამის მნიშვნელობა აპლიკანტ(ებ)ის პროფესიული განვითარებისათვის

## **7. სამეცნიერო კვლევითი პროექტების მონიტორინგი, შეფასება და დასრულება**

7.1. პროექტის დაფინანსების მიმღები ვალდებულია კომისიას ყოველკვარტალურად წარუდგინოს პროექტის მიმდინარეობის შესახებ შუალედური ანგარიში.

7.2. საჭიროებისამებრ, კომისიის მოთხოვნის შესაბამისად, პროექტის ხელმძღვანელმა უნდა წარმოადგინოს პროექტთან დაკავშირებული ნებისმიერი სხვა სახის დოკუმენტი. კომისია ასევე უფლებამოსილია ნებისმიერ დროს, განახორციელოს პროექტის მონიტორინგი და პროექტის ავტორს მოსთხოვოს ანგარიშის პრეზენტაცია სათათბიროსა და ფაკულტეტის საბჭოს წინაშე.

7.3. კომისია ამოწმებს კვარტალურ ანგარიშს და ადგენს შესაბამის აქტს.

7.4. პროექტის დასრულების შემდეგ, ორი კვირის განმავლობაში, ფაკულტეტზე წარმოდგენილი უნდა იყოს დასკვნითი სამეცნიერო ანგარიში, რომელიც შესაფასებლად უნდა წარედგინოს ფაკულტეტის საბჭოს და გამოქვეყნდეს ფაკულტეტის ოფიციალურ ვებ-გვერდზე.

## გ ა ნ ც ხ ა დ ე ბ ა

სტუ-ს საინჟინრო ეკონომიკის, მედიატექნოლოგიებისა და  
სოციალურ მეცნიერებათა  
ფაკულტეტის სამეცნიერო პროექტების  
დამტკიცების კომისიას

მოგახსენებთ, რომ გავეცანი სტუ-ს საინჟინრო ეკონომიკის, მედიატექნოლოგიებისა და სოციალურ მეცნიერებათა ფაკულტეტის შიდასაფაკულტეტო სამეცნიერო-პროექტების საკონკურსო დებულებას.

ვადიარებ დებულების მოთხოვნათა სავალდებულო დაცვას და შემომაქვს თანდართული განაცხადი.

ვადასტურებ, რომ ჩემს მიერ მოწოდებული ინფორმაცია ზუსტია და არ შეიცავს ყალბ მონაცემებს. ამასთან, კომისიას ვაძლევ უფლებას, ნებისმიერ დროს გადაამოწმოს მოწოდებული ინფორმაციის სიზუსტე.

ვაცნობიერებ, რომ კომისიის მიერ ნებისმიერი სახის ყალბი მონაცემის ან არაკეთილსინდისიერების აღმოჩენის შემთხვევაში ჩემი განაცხადი საკონკურსოდ არ განიხილება.

განმცხადებლის ხელმოწერა:

თარიღი:

## დანართი II

### განაცხადის ფორმა

1 სახელი, გვარი;

2 დაბადების წელი თვე, რიცხვი, ადგილი;

3 საცხოვრებელი ადგილის სრული საფოსტო მისამართი (ფაქტობრივი საცხოვრებელი ადგილის მიხედვით);

4 საკონტაქტო ინფორმაცია: ტელეფონები: ბინის, სამსახურის, ფაქსი, მობილური;

5 ელექტრონული ფოსტა;

6 აკადემიური/სამეცნიერო ხარისხი;

7 ამჟამინდელი საქმიანობა (ორგანიზაცია, თანამდებობა);

8 პროექტის სახელწოდება;

9 მეცნიერის ინტერესი და მოლოდინი პროგრამიდან გამომდინარე;

10 იმ ორგანიზაციის სრული დასახელება, სადაც დაგეგმილია კვლევები; (ქართულ და

ინგლისურ ენებზე) მისამართი, ვებ-გვერდი;

11. თანადადამფინანსებელი და მისი რეკვიზიტები;

11 რომელ ენაზე გეგმავთ პრეზენტაციის წარდგენას;

13. პროექტის ვადები.

## დანართი III

### სამეცნიერო-კვლევითი პროექტის წინადადება

(არაუმეტეს 7 გვერდისა, შრიფტი - Sylfaen, შრიფტის ზომა - 11, ინტერვალი- 1).

1. პროექტის სახელწოდება;
2. კვლევის აქტუალობის დასაბუთება;
3. კვლევის მიზნობრიობა, დასახული ამოცან(ებ)ის აღწერილობა;
4. კვლევის აუცილებლობის დასაბუთება;
5. კვლევის მოსალოდნელი შედეგები და მისი პრაქტიკაში გამოყენების დასაბუთება;
6. კვლევის მეთოდოლოგია, მიდგომები;
7. კვლევის სამომავლო განვითარების გეგმა (მიუთითეთ, კვლევის სამომავლო კომერციალიზაციის შესაძლებლობები);
8. პროგრამის მნიშვნელობა აპლიკანტ(ებ)ის პროფესიული განვითარებისათვის



დანართი IV  
ბიუჯეტი

მოთხოვნილი თანხა (ლარი)	დაფინანსების სხვა წყაროები (თანადაფინანსება)	ჯამური ღირებულება ლარებში	თანადაფინანსებელი პირი ან ორგანიზაცია

სულ :

დანართი V

პროფესიული ბიოგრაფია  
Curriculum Vitae

სახელი, გვარი:

მისამართი:

ტელეფონი:

ელექტრონული ფოსტის მისამართი:

დაბადების თარიღი, ადგილი:

1. განათლება
2. პროფესიული გამოცდილება
3. სამეცნიერო ან კვლევით პროექტებში მონაწილეობა
4. პროფესიული სიგელები და ჯილდოები
5. გამოგონებების, პუბლიკაციების/სახელმძღვანელოების ჩამონათვალი
6. უცხო ენების ცოდნა